

中國方志叢書·華中地方·第三七二號

據

清·江亦顯等纂修
清光緒十二年修民國二十五年重印本

影印

四川省

興文縣志

(一)

成文出版社有限公司印行

興文縣志目錄

卷首

序

舊序

纂修姓氏

輿圖

凡例

卷一

輿地志

星野

沿革

疆域

形勢

山川

水利

津梁

關隘

鄉場

戶賦

鹽茶

風俗

物產

卷二

經制志

職官

選舉

仕宦

封蔭

學校

書院

城池

公署

倉傲

兵制

邊防

塘鋪

卷三

典禮志

朝賀

講約

鄉飲

祀典

壇廟

卷四

人物志

名宦

武功

義烈

行誼

耆壽

貞烈

節孝

壽婦

卷五

外紀志

古蹟

墳墓

坊表

樓臺

寺觀

仙釋

祥異

卷六

藝文志

宸翰

檄

頌

記

傳

序

引

申文

詩

墓表

墓誌銘

重修興文縣志序

周禮小史掌邦國之志外史掌四方之志四方之志邑志也志一邑之政事文章人物風化之書也詳治體闡幽光揚盛軌豈徒夸靈勝之蹟逞詞翰之華而已哉

本朝聲教覃敷遐邇一體

大清一統志旣命儒臣纂修以備邦國之典其外史之所掌何可令風銷雨蝕文獻無徵耶興文故有志閣數十年遭髮逆之變戎馬縱橫圖書散

失迨至渠魁授首郡縣肅清令尹郭公雲漢偕
王雨生郭殿颺諸君子蒐羅掌故掇拾於灰燼
之餘得如干帙以瘡痍未復民氣凋傷弗克饒
梓邑侯江公子明令茲土政修人和百廢俱舉
初見

聖廟傾圯集紳糧重建而一新之繼閱鈔本舊志簡
蠹篇殘慨然曰邑志猶國史也志壇廟以隆
禋祀志學校以育人材志兵防以戒不虞志地
輿以明封域志食貨以詳賦稅志遴選以重官

方志節義以勵頽風志文藝以覘學術所以著
千秋之故實垂百代之規模典至鉅也迺不能
斟酌損益鳩工鐫板以廣其傳無論輜軒採俗
茫無以應將何以審時勢而權因革撥風土而
策治安乎遂招多士授以協纂之任 侯因於
政務之暇研究而增損之刪繁就簡以成一代
完書卽以

聖廟捐集之餘貲付諸剞劂庶幾於外史所掌或有
裨於萬一云數月事葳爰弁數言以紀其略

大清光緒丁亥年歲仲夏月吉日邑舉人黃相堯謹

撰

重修興文縣志序

昔孔子作春秋游夏不能贊一辭竊以文學之
賢於聖人筆削之書猶不敢參末議祥何人斯
敢於志乘置一辭乎雖然天下事莫爲之前雖
美弗彰莫爲之後雖盛弗傳興邑舊有志咸豐
同治間疊經兵燹卷帙多殘邑令郭公雲漢委
郭殿颺先生暨家大人從而編輯之稿甫成而
郭公去事遂寢歲丙戌江公子明任斯土閱舊
志鈔本欲斟酌而損益之鋟板以垂久遠仍囑

家大人同校以年老弗克應命 侯諭并襄厥事遂偕黃君賡堂及龍雨飛周崧生兩君採訪
裒集增入舊稿閱數月而竣事夫以二十餘年
未梓之書至今日而始付剞劂是爲之後者固
賴有人以開於前而爲之前者亦賴有人以繼
於後相沿相襲於以彰其美傳其盛豈偶然哉
祚雖樛昧不善續貂然書旣成亦應揚扈休嘉
庶無負我 侯惓惓之意也夫

光緒十三年丁亥歲貢生候選訓導王元祚撰

序

興文古瑯縣地也明代疊遭都掌蠻擾害其來
如飄風疾雨之猝至居斯土者朝不保夕焉嗣
都憲曾公省吾奮然致討不期年削平諸險建
武置廳屯兵蒸黎以久而志乘猶缺如也迨我
朝定鼎邊要廓清以建屬興一時山川鍾靈人文
蔚起騁騁有華風焉乾隆丁卯邑令陳君潘鄰
哀集郡吏修字惜草創而未成嘉慶辛未樸齋
張君復奉憲檄採輯迨瓜期而不果風憐余君

繼嗣編閱恐失之誣且雜也乃與諸紳考核校訂付之剞劂分門別類綱舉目張其義精以詳其言簡而當而後興邑之志書燦然與郡乘樹彪炳且夫延譽流芳者紳民之行也維風振俗者邑令之責也

國家至治覃敷漸摩日久興文雖藁爾邑而瘖土之民莫不向義其間名宦鄉賢奇行至文以及舊孝貞烈前人之載備矣然豈無接踵其後者哉去年春余權篆斯邑愛夫士之樸而民之勤也

欣然欲披舊志訪古蹟適值張何髮滇諸匪踵
至搖蕩我邊疆虜剽我黎庶以防禦之不暇而
必斤斤焉與二三紳耆倉卒中談論志乘是迂
也迨余移防建武地方將次肅清急爲採訪而
梨棗已成灰燼心實惻焉秋初

大憲增修全省通志飭各屬採輯以備選用余
不辭蹶然以興爰與敎諭官碧溪董其事第告
光片羽十不一存命文生龐光畢石文澂等廣
爲採訪掇拾集腋成裘而參校則專付其事於

郭明經仕舉王明經世霖輿圖經制則仍乎舊
典禮古蹟則因乎前若人文則乘運而特出藝
文則與時而並新况兵燹之餘慷慨赴義從容
全貞者其湮沒何可勝道尤宜顯微闡幽以勵
風化誠不敢厚古人而薄今人又曷敢徇今人
以欺後人耶若云千秋信史則吾豈敢庶幾一
日公評所與諸紳士共者也繼自今邑之紳民
士女復克崇節義重廉恥至性發爲文章真誠
敦乎古處交相勉勵蒸蒸日上期無負他日輟

軒之探焉是又余之厚望也夫

同治二年十月朔署興文縣知縣郭雲漢撰

